



La Quotidiana
 7007 Chur
 081/ 255 52 52
<https://www.suedostschweiz.ch/laquotidiana>

Medienart: Print
 Medientyp: Tages- und Wochenmedien
 Auflage: 3'244
 Erscheinungsweise: täglich

Seite: 7
 Fläche: 15'573 mm²

Auftrag: 3009371
 Themen-Nr.: 140008
 Referenz:
 b2bb4c-b637-46b4-ac69-a4819e652fbc
 Ausschnitt Seite: 1/1

Ingrid Grave dat plaid e fatg

(cdm/fmr)

Sora **Ingrid Grave** ei enconuschenta en Svizra sco la mungia dalla televisiun. Ella ei stada ina impurtanta persuna ellas emissiuns «Sternstunde» e dal «Plaid per la dumengia» dalla Televisiun Svizra. Era sche quei ei gia stau avon 20 onns ei la sora dominicana aunc adina enconuschenta a biaras persunas buca mo en Surselva. Ed aunc adina cumparan ses texts regularmein en gasettas regiunalas cun patratgs davart eveniments

mundials ch'animeschan da reflectar. Savens ein quels texts accumpignai dad in surrir, in surrir che reflectescha siu intern. Las visitadras ed ils visitaders da la claustra da Glion teidlan aunc oz cun atenziun cura che **Ingrid Grave** meina gruppas tras il baghetg construius ils onns 70. Da quei temps era la sora scolasta alla scola primara a Glion. Tenor las indicaziuns dalla pagina dil **Cinema sil Plaz** ei la sora **Ingrid Grave**

naschida igl onn 1937 en Tiara tudestga ed ed ei entrada igl onn 1960 ella cuminonza dallas soras **dominicanas** da Glion. Biars onns ha ella viviu sco spirituala amiez il marcau vegl da Turitg. Ins astga esser spannegiaus tgei che sora **Ingrid Grave** raquenta ils 26 da settember 2025 el **Cinema Sil Plaz**. La moderaziun meina Andrea Casparis. Il discuors entscheiva allas 20.00.



La sora dominicana Ingrid Grave s'exprima ils 26 da settember 2025 a caschun dad in discuors el Cinema Sil Plaz. FOTO MAD